



Th. Sp. 792

Statler



163



Ph. L. 792

Philos. Logica. Ser. part. 793.

R

DISSERTATIO LOGICA


DE

VALORE SENSUS COMMUNIS
NATURAE TANQUAM CRITERIO
VERITATIS

AUCTORE.

BENEDICTO STATTLER

SS. THEOL. DOCT. ET PROCANCELLARIO UNIVERSITA-
TIS ANGLIPOLITANAE.



Eustadii et Günzburgii

SUMTIBUS JOANNIS BAPTISTAE WIDENMANN

et Soc. Bibliop. 178c.

Scripta hæc sunt ante tres annos ex occasione
propositæ Quæstionis istius pro præmio ab Instituto
Leidenfi Stolpiorum. Non pullæ dissertationes ab aliis
auctoribus de hoc eodem argumento posthac editæ per-
susaserunt auctori, ut non inutilem fore istius scriptio-
nis suæ editionem existimaret.

Bayerische
Staatsbibliothek
München

Præsentem Disputationem logicam de valore Sensus communis &c. D. D. Censores Episcopales non solum in nullo fidei aut morum articulo impingere, sed profundissimam D. Authoris sui in rebus philosophicis doctrinam palam facere, adeoque & præmio, & prelo dignam esse judicarunt; quapropter eam typis vulgandi facultas Authoritate ordinaria conceditur.

Eustadii die 12ma Martii. 1780.

Joannes Martinus Lehenbaur,

Vicar. in Spirit. General. Mppria.





Nemo omnes, omnes neminem fallunt.

SENECA.

Quæstio. Quodnam in adferenda Numinis existentia
pretium statui debet communi humani generis
consensui?

§. I.

*De universis criteriis veritatis humanorum judicio-
rum Synopsis.*

I.

Veritas rerum, quam *Metaphysicam* vocant,
est non repugnantia notarum in uno eodemque
ente. Contra si notæ, quas compositione fictitiæ
imaginationis uni eidemque rei tribuimus, reipsa
inter se aliqua contradictione repugnent, res vera
tali conceptui non substat, sed *res mere idealis*,
id est, talis, quæ, quamdiu repugnantiam notarum
illarum non apprehendimus, res vera in conceptu

mentis nobis adparet; etsi a parte rei non sit res ulla, seu possibilis, seu actu existens, cui omnes illæ notæ simul uni conveniant. Est nempe contradictio ipsa primus omnis distinctionis rerum character; atque idcirco id, quod contradictionem importat, per modum unius rei veræ non nisi in eo confuso conceptu adparere potest, in quo contradictio ipsa non discernitur. Sic *bircocervus* in distincta cognitione per modum unius objecti concipi non potest; quippe in qua hircus cervum negatione contradictoria a se excludere dignoscitur. At in confuso conceptu, in quo negatio ista in hirci notis (aut vicissim) non discernitur, per modum unius rei, sed mere idealem existentiam, in ipso nempe confuso conceptu, habentis, adprehendi poterit.

2.

Veritas logica actuum (seu repræsentationum) *mentis nostræ* est relatio similitudinis eorundem actuum mentis in repræsentando cum rebus repræsentatis (seu objectis) metaphysice veris (præc.) Unde I. ad veritatem logicam actuum mentis univ. tria requiruntur, videlicet ipse *actus mentis*, *res repræsentata metaphysice vera*, seu objectum reale verum, & *utriusque similitudo*; actus quidem mentis in repræsentando, objecti realis veri in essendo. II. *Actus mentis carens objecto realiter vero ipse quidem est metaphysice verus*. id est, non repugnans, attamen carens logica veritate reali.

3.

Veritas logica actuum mentis ipsamet vel realis est, si illa tria §. præc. I. recensita actu dantur;
idealis

*ideal*is vero solummodo est, si ex tribus illis unum reipsa deficiat; quin iste defectus discernatur.

4.

Cum res universæ metaphysice veræ aut mere possibiles sint, aut actu existentes; sequitur, etiam omnes actus & judicia mentis nostræ logice realiter vera aut circa res mere possibiles, aut circa res actu existentes, seu objecta representata, versari. Unde qui de utrisque judiciis, nempe tam quæ circa mere possibilia, quam quæ circa res actu existentes, aliquid affirmant, vel negant, regulas complete & universe sufficientes dederit, per quas veritas logica realis a mere ideali veritate actuum mentis nostræ distincte & sine periculo erroris discerni queat, is completam demonstrandi artem dederit necesse est.

5.

Criteria veritatis logica realis voco notas actuum mentis humanæ, quæ sunt rationes sufficientes veritatis istius, quibus cognitis, & discretis, ipsam eorum veritatem logicam cognoscimus, & discernimus. Porro intuitus mentis, clare & distincte discernens criteria omnia completa, seu rationem sufficientem completam veritatis logicæ realis actuum mentis, *evidentia realis* appellatur. Unde *evidentia idealis* solummodo illa erit; si aliqua criteria veritatis prædictæ, sed adhuc incompleta, clare & distincte intueamur; defectum vero adhuc residuum unius non adprehendamus, nec ullo pacto discernamus.

6.

Actus omnis representationis mentis nostræ ex ideis, vel singularibus, vel universalibus seu notionibus, subjecti vel prædicati, ut vocamus, vices agentibus, et ex affirmatione, vel negatione unius ideæ, seu notionis, de altera, id est, ex intuitu mutua continentia omnium notarum unius in notis alterius, vel contradictionis & exclusionis notarum completarum unius ab altera, componitur. Experientia intima testis est.

7.

Ut igitur evidentia realis in mentis nostræ representationibus & judiciis obtineatur, opus est, ut mens clarò intuitu veritatem logicam tum idearum atque notionum subjecti & prædicati, tum affirmationis, vel negationis unius de altera, in judiciis discernat.

8.

PORRO EXISTENTIAM RERUM a mente distinctarum PRÆSENTEM actu experimur sensu externo; quatenus ideæ earum, quas sensuales vocamus, ita in nobis exoriri percipimus, ut mentis intuitu in eas conjecto eas discernere quidem possimus; sed ut tamen adsint in mente ut plurimum; etsi nullum mens nostra in eas obtutum conjiciat. Inde vero, quod illæ ideæ valde variabiles in existendo sint, ac modo adsint, modo iterum evanescant ex mente; inprimis colligimus, l. *rationem existentia ultimam illarum idearum sensualium in mentis nostræ essentia, attributis, vel accidentibus intrinsicis, contineri non posse*: si enim in essentia vel attributis mentis contineretur, illæ ideæ, uti essen-

essentia ipsa mentis, sic & ipsæ invariabiles forent: in accidentibus autem, quæ ipsa variabilia sunt, ratio ultima nullius rei, saltem completa, inesse potest. Colligimus II. ex eo, quod mens nullam actionem immanentem propriam in ipsis ideis sensualibus, conjecto in eas sui ipsius intrinsecas modificationes intuitu, discernat (quam tamen semper discernit, cum ipsos istos intuitus & conscientias suas reflexo intuitu considerat) *mentem ipsam ne quidem immediatam causam efficientem esse illarum idearum; sed eas ab alio ente extrinseco esse, quod ipsum eo nomine præsens nobis esse, & obversari, dicimus*; quod ejus actionem in ipso effectu suo, nempe in ideis illis ab extrinseco ortis, experiamur; in quo ipso effectu, tanquam in rationato suo, entia extranea, seu causas illius, & rationes sufficientes existentiae ejusdem, cognoscimus, & discernimus. Neque enim *entis nobis actu præsentis* nomine aliud concipimus, quam quod actu ratio sufficiens est existentiae alicujus determinationis nobis intrinsecæ. III. Denique causæ immediatæ efficienti ideas nostras sensuales plus non tribuimus, quam quantum virtutis efficientis in illis ideis, seu effectibus, relucet. Itaque *ex ideis illis immediate aliud extra nos nihil, nisi corpora, concipimus, seu causas earum immediatas*, id est, talia composita materiaia; quæ ex simplicibus substantiis denique coalescant, vi repulsiva & attractiva præditis. Atque ista ratio est, cur ex ideis sensualibus non *immediate* existere seu Deum, seu alium DEO inferiorem spiritum, colligamus; quia videlicet, etsi DEUS, vel alius etiam spiritus inferior, easdem ideas *immediate* in mente nostra fortassis efficere possit; tamen in illis efficiendis non virtutem spirituales proprie dictam, sed virtutem soli materiæ

propriam, in mentem nostram exerceret: non est autem causæ *immediata* efficienti plustribuendum virtutis; quam quantum ex ipso effectu relucet, ceu ex rationato suo. Atque *iste præcise modus est, quo in cognitionem existentiae corporum extraneorum & totius mundi corporei simpliciter pervenimus; ex quo ipso tamen ulterius ad causam ipsius mundi corporei ultimam progredimur.*

* Concessit Ill. Wolfius, (Leibnitio præeunte) nos experiri præsentem existentiam corporum; negavit tamen, nos experiri ullo externo sensu eorum influxum in corpus nostrum, & hoc mediante in animam; voluitque, nos solum experiri tum idearum sensualium, tum utriusque motus, tam nostri, quam aliorum corporum, coexistentiam. At enimvero fefellit & se illustris Philosophus, & plerosque alios secum in errorem traxit: siquidem influxum extranei entis in animam nostram intuitu proprio certissime in ideis sensualibus experimur eo modo, quo caderè is, si actu detur, sub experientiam nostram præcise posset, & deberet. Cum enim mens intuitu suo immediate nihil intueri (ac proin *experiri*) possit, nisi quod in ipsa ut subjecto inest: idcirco non illud *immediate* experiri ac intueri potest, quod in ente extraneo, seu corpore influente, ceu ratio sufficiens existentiae idearum sensualium inest, ac ratione cujus corpora *agere in animam* dicuntur; sed illud solummodo, quod *causæ actionis* istius *extraneæ effectus* in mente ipsa exoritur atque inesse de novo incipit. Quodsi tamen *in isto novo* in se exorto *effectu* mens proprio intuitu detegat & experiatur, illum & variabilem, nec immediata sua ipsius actione in se exortum esse; experitur hoc ipso, illas ideas
&


& novos in se exortos effectus esse ab ente extraneo, tanquam a causa *immediata* æque ac *ultima*; siue jam idem numero ens extraneum sit utraq; hæc causa, siue corpora extranea sint *immediata* solum causa efficiens, DEUS autem aliquis existat ceu ratio omnium ultima. Interim de causa *immediata* plus sub experientiam mentis hæud cadit, quam virtus corporea; qualis sola præcise in effectu relucet.

9.

EXISTENTIAM PRÆSENTEM TUM MENTIS NOSTRÆ IPSIUS, TUM MUTATIONUM EIUSDEM, *tunc primum cognoscimus; cum sensatione intima conscientias nostras de rebus extraneis sensibilibus reflexe intuemur, & ut proprias mentis nostræ actiones discernimus.* Dum enim cogitamus, nos cogitare; eo ipso existere nos adpercipimus.

10.

EXISTENTIAM PRAETERITAM RERUM A MENTE EXTRANEARUM *recognoscimus, dum conscientias de illis olim præsentibus habitas, & nunc a phantasia secundum propriam sibi legem reproductas, nos jam olim de rebus eisdem ut præsentibus habuisse exinde recognoscimus; quod easdem secundum omnes sui partes, quin & ex ipsarum occasione etiam aliorum objectorum, nunc omnino absentium; conscientias cum certa aliqua facilitate reproducamus; qualis facilitas in prima earum formatione non suppetebat; quippe in qua ex intuitu idearum & objectorum primum valde confuso non nisi ope reflexionis claræ & distinctæ conscientia de illarum partibus singulis seorsum formari, atque aliqua iterata repetitione cujusque singularum partium singularis intuitus primum illa acquiri facilitas reproductionis prædictæ debebat.* Unde ex ipsa facilitate reproductionis claræ ac distinctæ conscientia
tia



tiæ recognoscere cum certitudine solemus, nos tales conscientias jam olim habuisse, & cum hac quidem serie successiva, vel simultanea.

* Phantasiam non ipsas ideas sensuales, sed solum conscientias super ipsis attentione partium singularium obiecti & reflexione formatas, reproducere, exinde patet; quod, si, e. gr. palatium, vel hortum olim ingressi, in aliquas totalis ideæ sensualis, per apertos oculos receptæ, partes nullum omnino mentia intuitum coniecimus; postmodum phantasia, etsi ceterarum conscientias reproducat, quibus attentionem aliquando affiximus, tamen illarum, quas non adpercepimus unquam, nec ullam ideam seu repræsentationem reproducat, cujus intuitu earum nunc formare conscientiam possumus; utcumque diu in eodem palatio, vel horto, versati fuerimus. *Neque dicas:* obscuras nimis esse ideas illarum partium, quam ut discerni possint. *Nam* tunc certe, cum præsens aderas in palatio, tam vivaces & claræ esse potuerunt, ut obtutu mentis in eas defixo, eas facillime discerneres. Si ergo nunc reproducuntur a phantasia, quales tunc fuisse; sicuti conscientiæ ab eadem tales reproducuntur; quales tunc erant; etiam nunc mens ideas illas obtutu in eas defixo discernere posset. *Neque rursum opponas:* etiam conscientias obscuriores reproduci; quam ex rei præsentis intuitu primo formabantur. *Nam primo* reproducuntur saltem tam clare, ut proximo quoque tempore, postquam e. gr. egressi sumus, satis vivaces appareant; etsi decursu temporis partem vivacitatis obliteratione quadam amittant: e contra tota illa lux idearum sensualium momento post ablatum ex oculis obiectum prius corporale evanescit. *Deinde* quod conscientiæ rerum corporum reproductæ a phantasia universe obscuriores videan-

deantur, quam apparebant tunc, cum primo super præsente obiecto corporeo formabantur; haud dubie illud ipsum in causa est, quod illa ipsa illustris species ideæ sensus, a luce, colore, sono, odore &c. præsente menti impressa, deinceps in reproductione phantastica a conscientiis obiectorum sensibilibum absit, istæque solæ a phantasia, non item illa, reproducantur. Quod ipsum novum argumentum est, species illas sensus idearum ab actione extranea corporum nasci, & conservari, qua durante durant, qua finiente, continuo & ipsæ penitus finiuntur.

•• Ill. Wolfius, quod *ideas* ab *adperceptionibus* seu obtutibus animæ, qui conscientias pariunt, non distinxerit; etiam in conceptu *memoriæ*, id est, cognitionis existentiae rerum præteritarum, a vero aberravit, docens: ex eo mentem recognoscere cogitationes jam olim habitas, *quod rei idea nunc iterum obveniens excitare in nobis ideas rerum nunc absentium advertatur, quarum & ipsa membrum sit.* Ut errorem certo cognoscas; quæro primum: quo ex indicio mens cognoscat, ideas istas ab idea rei nunc obvenientis excitatas esse *absentium* potius rerum, quam præsentium, ideas, prima vice a se acceptas. Cum enim anima circa solas ideas rerum sensibilibum obtutu suæ conscientiae versans ne quidem de semet ipsa adhuc cogitet, nec sui sibi conscia sit; quo pacto ex solo earundem reproductarum idearum sensus intuitu recognoscere poterit, *se jam illas habuisse?* At contra in conscientia, seu actione propria, primæ & secundæ productionis discrimen, ex diversa facilitate ortum, sensu intimo necessario advertit. *Deinde* quæro ulterius: si quis velo obductis oculis in aulam solus introducatur, in qua
solus



solus item olim diversatus fuerat; nonne reducto velo mox visam a se jam ante aulam istam recognoscet? Atqui hic ideæ rerum absentium ut interveniant necesse non est: phantasticæ autem ideæ (si hæc aliud non sunt, quam ipsæ pristinæ sensuales de aula jam olim habitæ, & a phantasia reproductæ) profecto hoc in casu cum sensu- libus actu præsentibus ideis ejusdem aulæ confundi plane debebunt. Unde ergo talis homo recognoscet, ean- dem aulam jam a se visam, nisi ex facilitate, qua singu- las aulæ partes recurrentibus pristinis conscientiis sine omni nova reflexione, aut singulari attentionis & mutuæ comparationis conatu, discernere, & earum singulares conscientias efformare se experitur, & intime sentit? So- lus ergo iste genuinus memoriæ rerum præteritarum, propria experientia perceptarum, conceptus est.

*** Ceterum quod hic de memoria rerum præterita- rum, quæ extra mentem sunt, diximus; *idem adcommo- de valet de* MEMORIA MUTATIONUM PRÆTERITARUM IPSIUS MENTIS NOSTRÆ; quas ipsas olim in mente no- stra evenisse ex simili facilitate reproductionis sensatio- num intimarum, olim de eis præsentibus habitarum, recognoscimus.

II.

EXISTENTIAM FUTURAM SEU RERUM EXTRA NOS, SEU MUTATIONUM MENTIS IPSIUS, *prævide- mus ope memoriæ de uniformi experientia præteri- ta; qua semper ex similibus iisdemque prorsus ante- cedentibus similia eademque consequi nos expertos esse meminimus: unde fit, ut, cum eadem prorsus nunc iterum adesse antecedentia aliquando, vel ali- cubi, observamus, eadem ex eis consequentia exti- tura*


tura expectemus, cum certitudine quidem, id est, cum firma & secunda prorsus expectatione; si memoria uniformem prorsus præteritam nostram (imo & aliorum hominum) constanterque eandem experientiam præteritam nobis suggerit; cum probabilitate contra vel incertitudine, majore, vel minore; pro eo atque magis minusve uniformem, non tamen constanter eandem experientiam nos habuisse olim, meminimus.

12.

I. In universa itaque nostra de rerum existentia cognitione hic ordo, & quidem necessario, intercedit, ut primo res externas corporeas actu præsentibus ope sensus externi cognoscamus; inde vero sensatione reflexa in hanc nostram de illis cogitationem nos ipsos, id est, mentem nostram itidem in præsens existere advertamus: tum vero post tempus ope memoriæ nos res prædictas externas sensibiles, atque etiam proprias de illis conscientias, seu mentis ipsius mutationes, reflexa sensatione præsentibus olim habuisse, namque præteritas illas esse, recordemur: ac denique ut frequentius recurrente eadem uniformi experientia præsentibus eorundem sese antecedentium & se consequentium, deinceps ex præsentibus actu antecedentibus similibus eadem futura consequentia prævideamus.

II. Omnis ergo nostra de rerum existentibus cognitio a sensu externo incipit; nec quid ipsi præteritum meminisse EX PROPRIA NOTITIA (quæ hic alienæ auctoritati opponitur) possumus, nec futurum prævidere; nisi quod ipsi præsens aut sensu externo in rebus extraneis, aut sensatione intima & reflexa in mente nostra propria, experti sumus.

13. Quo-



13.

Quoniam in rebus actu existentibus nihil indeterminatum esse potest; quod autem omnimodis determinatum est, res singularis est: idcirco *primæ nostræ de rebus existentibus cognitiones rerum singularium actu nobis præsentium cognitiones sunt* (præc. 11.)

14.

Primæ nostræ cognitiones rerum singularium actu nobis præsentium conceptus earum admodum compositos (id est, ex determinationibus plurimis, realiter, aut formaliter distinctis, constantes) *nobis offerunt*. De conceptibus rerum corporearum, sensu externo acceptis, id inprimis ipsa experientia constat ex divisibilitate summa minimæ cujusque moleculæ sensibilis corporeæ, quam tum microscopiis, tum aliis modis detegimus. De ipsis sensationibus intimis, quibus mens tum suarum mutationum, tum sui ipsius existentiam præsentem adpercipit, constat, quod mens in his ipsis suis singulis mutationibus, seu sensu externo primum exortis, tot pæne notas diversas ac determinationes discernat; quot sunt in ipsis objectis sensibilibus, quæ mens primis conceptibus & cogitationibus directis adpercipit. Sic si cogito, me cogitare de corpore humano, cogito, me cogitare de capite, cogito, me cogitare de pectore, manibus &c. &c. Denique cum primi nostri conceptus de rebus existentibus singularibus, (12. 11. 13.); res singulares vero omnimodis determinatæ sint: necesse est, ut proprii illarum conceptus itidem ex plurium determinationum simultanea repræsentatione componantur.

15. *Ideas*

15.


Ideas rerum singularium existentium, sensu externo & intimo primum acceptas, seu compositas (præc.), abstractionis analysi in plures simplices resolvimus, ac singulas partiales seorsim abstractas ideas propriis terminis seu nominibus designamus; idque eum in usum, ut propriis his nominibus earum auditis, vel lectis, secundum phantasie legem etiam simplices illæ idæ abstractæ seorsim (sine integra composita, ex qua illa abstractione avulsa veluti ac efformata est) in mente reproduci deinceps queant. Sic ex intuitu compositi nummi aurei abstrahimus conceptum partialem simpliciorum rei extensæ, coloratæ, solidæ, circulari figura præditæ &c.

16.

Exoritur vero omnis compositio conceptuum seu idearum nostrarum de rebus singularibus vel 1.) ex conjunctione plurium substantiarum, ut in conceptu corporis humani: vel 2.) coniunctione plurium notarum essentialium in una eademque substantia; vel 3.) ex conjunctione plurium attributorum, vel 4.) modorum, vel 5.) relationum cum essentialibus notis: præter hæc enim in ente quocunque, simplice, vel composito, aliud non inest. Itaque pariter omnis analysis idearum de rebus singularibus quinque abstractionum modis absolvitur: cum nempe vel 1.) substantia una ab aliis substantiis ideam eandem componentibus, e. gr. caput, manus, pes, a corpore humano, vel 2.) una, aut omnes essentielles notæ ab aliis essentialibus, aut non essentialibus, uti animal a rationali in homine &c.; vel 3.) attributum, seu proprium, seu commune,

B

ab



ab essentialibus, vel aliis attributis, e. gr. capacitas eruditionis in homine, vel 4.) modus a notis invariabilibus, uti eruditio in homine, vel 5.) relatio a quibuscunque aliis notis, uti e. gr. similitudo formæ, abstrahitur.

17.

Per hos ipsos quinque abstractionum modos 1.) formantur *omnes notiones universales*, seu *generum*, si notæ essentialis communes a differentialibus, seu *specierum*, si omnes essentialis reliquæ ab individuali, seu *differentiarum*, seu *attributorum*, seu *accidentium* &c.; si istiusmodi notæ a ceteris abstractæ, & tanquam pluribus rebus communes concipiuntur, in quibus eas inesse experientia didicimus. 2.) Eodem modo formantur omnes aliæ simplicissimæ ideæ, e. gr. attributa generis supremi *entis*; quæ sunt *veritas*, seu cognoscibilitas, *possibilitas*, *unitas*, *bonitas* &c. &c. 3.) Hic ipse modus est formandi omnes ideas ceteras ontologicas *essentialiæ*, *substantiæ*, *attributi*, *accidentis*, *relationis*, *necessarii*, *contingentis*, *simplicis*, *compositi*, *caussæ*, *effectus* &c. prout nempe reflexio, quæ abstractionem semper præcedit, plures semper notas diversas in comparatione rerum discernendo novis abstractionibus simpliciorum idearum viam sternit.


18.

Quemadmodum abstractionis ope ideas compositas in simplices resolvimus; ita vicissim simplices ideas, abstractione obtentas, per facultatem fingendi combinatoriam, quæ menti nostræ inest, varie pro arbitrato componimus, variis eas determi-

determinationibus jungendo, quas seu ab eadem re, a qua ipsas, seu a rebus aliis distinctis, diversisque, antea itidem abstraxeramus. Vocatur hæc compositio vulgo *determinatio idearum*; quia prius idea simplicior abstracta secundum novas illas determinationes veluti adhuc indeterminata concipiebatur, id est, neque eas complectens, neque excludens.

19.

Quodsi itaque ideas mere positivas simpliciores per ideas (seu determinationes) alias rursus mere positivas determinemus; *ideæ compositæ mere positivæ* in nobis oriuntur: si easdem ideas simpliciores mere positivas determinamus per ideas seu determinationes novas negativas, orientur *ideæ compositæ, partim positivæ, partim negativæ*. At vero si idea aliqua positiva, jam ex parte composita, sed adhuc confusa, ulterius determinetur per ideam seu determinationem negativam, alicui ex illis ipsis determinationibus positivis contradictoriam, quas idea positiva simplicior confusas inter se exhibet; *vel* si idea jam ex parte negativa, sed item confusa, determinetur per ideam positivam, quæ exhibeat realitatem negationi eidem contradictoriam, quæ in priore confuse solum exhibetur, nec discernitur; orietur *idea deceptrix*, id est, talis, quæ ob contradictionem determinationum, ex quibus componitur, objectum possibile non repræsentat; attamen, quia determinationes contradictoriæ, ex quibus componitur, ob confusionem idearum componentium non discernuntur, objectum possibile repræsentare videtur, ac proinde menti nostræ illudit.



* Exemplum esto *idea trianguli satis simplex*, seu *spatium tribus lineis comprehensum*, Idea hæc varie jam est determinata, nempe quoad numerum linearum, & angulorum, & rationem spatii corporei seu realis: sed indeterminata adhuc est quoad qualitatem & quantitatem linearum & angulorum, a qua utraque adhuc abstrahit, an nempe lineæ sint rectæ, vel curvæ; an omnes anguli æquales, vel inæquales? Determinari ergo prior illa idea potest, concipiendo *triangulum rectilineum*, non *rectilineum*, *rectangulum*, *æquiangulum*, *æquilaterum*, non *æquilaterum*; & hæc omnes magis determinatæ & compositæ ideæ erunt possibiles. At si concipias *triangulum rectilineum duos angulos ex tribus rectos habens*; ideæ trianguli rectilinei simpliciori, negatione a se reipsa excludenti duos rectos angulos ex tribus, junges contradictoriam notam duorum rectorum angulorum; orieturque idea rei impossibilis; quæ, si tu ita confusam trianguli rectilinei ideam habeas, ut contradictionem duorum angulorum rectorum cum ejus notis non discernas, erit reipsa idea *deceptrix*, rei possibili specie tibi imponens. Aliud exemplum habes in idea *spiritus compositi*, seu *materialis*.

20.

Ideæ seu conceptus mentis, quæ per abstractionem & determinationem (15. 19) id est, per analysin & synthésin, a mente ipsa formantur, vocari solent *ideæ factitiæ*; eo quod mens nostra ex iis, quas solo recto usu sensuum ope attentionis & reflexionis obtinuit, propria actione eas sibi effingat. Illæ vero ideæ, quas mens aliunde potius, seu a causâ extranea, immediate obtinet; quin eas semper habuerit; *ideæ adventitiæ* dicuntur. *Ideæ innatæ*


innatæ demum vocarentur, si quæ menti inessent sic congenitæ ideæ, ut eas nec aliunde post primum, quam jam aliquamdiu extiterat, obtinuisset, nec ipsa primum ex aliis præexistentibus in se ideis eas formaret, sed sibi inde a principio suæ existentia, ac deinceps constanter, seu vi essentia, seu unde unde demum, continuo inditas haberet: etsi non continuo de illis actu cogitaret.

21.

Cum *mens sensu intimo* ad suos actus proprios, ceu intime sibi præsentés, attendit; *conscia fit, se esse substantiam spirituales*, seu vim constantem cognoscendi & volendi, simulque variabilem per diversas cogitationes & volitiones. Unde idearum vices, quas mens ipsa de se sibi reflexe intuenti repræsentat, sunt ipsimet ejus actus immanentes (qui & objecti simul & ideæ sui ipsorum rationem respectu intuitus reflexi in eosdem habent) atque mens ipsa sub suis actibus, ceu illorum subjectum, veluti latens, ac per eos cognoscibilis. Unde & hos actus suos, atque una se ipsam eo distinctius completiusque discernit; quo majore studio supra illos intime sibi præsentés reflectit. *Mens ergo humana ideas seu conceptus omnes de se ipsa suisque actibus unice reflexione sensus intimi super eisdem sibi intime præsentibus acquirit.*

22.

Porro quoniam actus mentis propriæ, tam cognitiones, quam volitiones (quoad habent rationem objecti simul, & ideæ sui ipsius respectu sensus intimi) etiam ipsi saltem metaphysice compositi sunt; quatenus scilicet in totali cogitatione & vo-



litione objecti compositi etiam partiales cogitationes & volitiones plures mente distingui possunt; imo quoniam etiam plures simpliciores cogitationes (id est, de simplicioribus objectis) in unam componi juxta atque ideæ (19.) possunt: idcirco mens eodem modo novas cogitationes seu ideas factitias (21.) de spiritibus se ipsa nobilioribus, id est, plura simul perfectius, & facilius, cognoscere valentibus &c., imo etiam conceptum de spiritu infinite perfecto, id est, omnia cognoscibilia per conceptus (seu ideas) adæquatos simul & semel cognoscente, id est, de DEO ipso, tum abstractione perfectionum cogitationis propriæ ab ejusdem imperfectionibus, tum compositione omnium perfectionum pure talium in cognitione una compossibilem, formare potest. Itaque *mens humana etiam aliorum spirituum, atque ipsius DEI, conceptus sive ideas non innatas habet, sed factitias, seu proprio Marte formatas* (21.).

23.

Huc usque originem omnium idearum seu conceptuum mentis, tum singularium & existentium rerum, tum universalium & mere possibilem, ostendimus. Jam vero *mens conceptus* istos, seu ideas, *tum singulares cum singularibus, tum universales cum aliis universalibus, tum denique etiam universales cum singularibus, & vicissim, comparando*, nunc in duabus illarum mutuam, aut non mutuam, perfectam convenientiam, seu continentiam omnium notarum unius in altera detegit; nunc disconvenientiam, seu contradictionem unius adversus alteram, seu mutuam exclusionem: & in primo casu *mens judicio immediato unam ideam* (seu

(seu conceptum) affirmat de altera; in casu altero unam de altera negat.

24.

Cum vero sola immediata duarum idearum, conceptum, seu notionum, mutua comparatione mutuam convenientiam, vel contradictionem earundem, discernere ob defectum claritatis sufficientis *mens nostra* haud potest; tunc *tertiam ideam*, seu conceptum, *in subsidium vocat*, &, si expendendo duas illas ad hanc tertiam advertat, in prima contineri secundam, & in hac secunda tertiam, *infert iudicio mediato*, ut vocamus (ob intermediam nempe tertiam ideam), *etiam tertiam in prima contineri, seu illam de ista affirmat*: si vero advertat in prima contineri alteram, & ab hac altera tertiam excludi; *iudicio mediato concludit, etiam a prima tertiam excludi, id est, de prima tertiam negat*.

25.

Denique cum uno ratiocinio simplici ad intuitum mutuae convenientiae, vel contradictionis, duarum idearum, conceptum; seu notionum, non pervenimus, id evincimus plura ratiocinia sic connectendo, ut primi conclusio fiat praemissa sequentis, & nova idea seu termino tertio aliunde assumpto, & alterutri ex duobus terminis conclusionis primae applicato, hujus ad illum comparatione novam formemus secundi ratiocinii conclusionem; atque ita porro pergamus connectere tertium ratiocinium; donec ad conclusionem perveniamus quaesitam.



Et huc usque quidem enumerata sunt criteria nobis intrinseca, id est, per quæ PROPRII VI ACUMINIS & intellectus rationes sufficientes veritatum tum de rebus existentibus, tum possibilibus, perspicere solemus. *Cum vero proprio acumine & intellectu ipsi perspicere veritatem aliquam immediate nullo modo possumus, sæpe eandem ex aliorum testimonio authentico comperimus.* Est vero veritatis cujuscunque, sive de possibilibus, sive de existentibus rebus, *testimonium authenticum*, quod notas seu indicia sufficientia habet, quod is, qui testimonium illud fert, & veritatem ipse perspectam habeat, & veraciter nobis manifestet. Porro cum notitia veritatis in teste, & sinceritas in ea manifestanda, rursus immediate in se ipsa sub oculos nostri intellectus nullo pacto cadere possit; *eam ipsam utramque ex talibus signis seu effectibus sub sensuum externorum experientiam cadentibus inferimus, de quibus experientiam præteritam uniformem tum propriam habemus (11.), tum consentientem omnium aliorum experientiam esse novimus, quod semper cum notitia veritatis & veracitate in testibus conjuncta fuerint: quæ uniformitas experientiæ quo major, quo pluries multiplicatis experientiis sine exceptione communis est, eo major erit certitudo de veritate & authenticitate testimonii; nunc quidem solum moralis, si rarissima fuisse exceptio noscitur; nunc physica omnino, si nulla comperta sit post innumeras experientias uniformes exceptio: siquidem etiam de existentia testimonii, ceu facto, pari gradu certitudinis ex aliquo ex huc usque memoratis criteriis item constet.*

* I. De existentia ergo testimonii authentici, ceu facto præsentis,

præsente, menti quidem nostræ extraneo, ultimato & immediate per sensus externos notitiam acquirimus, vel per alium testem mediatum; cujus tamen testimonium saltem denique per sensum externum ipsi comperimus (8.) II. De authenticâ vero testimonii notitiam acquirimus, ceu de qualitate simili futuri facti, per uniformem experientiam præteritam, phantasiæ lege reproductam, & ad similem authenticam expectandam nos pro gradu suæ uniformis multitudinis inclinantem (IX.) III. Ipsa vera authenticâ testimonii sic perspecta movet nos ad assensum de veritate rei, contestatæ: qui assensus, cum non ipsa perspecta intrinseca ratione sufficiente veritatis judicii nostri nitatur, sed solum extrinseca eidem auctoritate, fides vocatur, qua scilicet alteri, securi de errore, judicium nostrum conformamus. Principia hoc §o. obiter indicata de fundamento moralis & quandoque physicæ certitudinis testimonii humanæ auctoritatis uberius a me demonstrata vide in Dem. Evang. Cap. V. Artic. I. §. II.

27.

I. Habemus ergo inprimis de existentia rerum, seu veritatibus facti, universe criteria quinque, videlicet 1.) de existentia præsentis rerum externarum SENSUM EXTERNUM PROPRIUM, & AUCTORITATEM TESTIMONII ALIENI (8. 27.); 2.) de præsentis existentia rerum in nostra mente propria SENSUM INTIMUM (9.); 3.) de existentia præterita rerum quarumcunque MEMORIAM PROPRIAM (10.); & ALIENI TESTIMONII AUCTORITATEM (27.); 4.) de existentia futura rerum EXPERIENTIÆ UNIFORMIS PRÆTERITÆ PROPRIÆ MEMORIAM, & AUCTORITATEM ALIENI TESTIMONII; ut



adeo 5.) auctoritas alieni testimonii universe quintum criterium factorum conficiat.

28.

II. Porro de qualitate verum existentium, jam ex suis criteriis existentiae cognitarum, judicamus per judicia vel immediata, vel mediata, aut ratiocinia concatenata (24. 25. 26.), vel ex testimonio autentico alieno, seu per criteria quatuor diversa.

29.

III. Per eadem ipsa quatuor criteria (præc.) judicamus de qualitate possibilium qua talium universe, præmissa semel loco subjecti notione eorundem, seu definitione nominali, hujusque reali veritate, seu possibilitate objecti illius, rite prius ostensa (2. & 3.).

30.

Datur vero adhuc alius modus, omnibus hominibus communis, judicandi, non quidem vulgo de absoluta existentia rerum, sed communiter solum de qualitate tum rerum existentium, tum possibilium, nullo suppetente ex prædictis quatuor criteriis (29. 30.), id est, nec distincto intuitu immediato, nec mediato, per ratiocinia distincta, simplicia, vel concatenata, nec testimonii alicujus movente auctoritate, sed unice ex confusis conceptibus subjecti & prædicati cuique obviis, quos de rebus existentibus singularibus usu sensuum externorum accepimus, de rebus autem mere possibilibus abstractione, vel compositione ac determinatione formavimus (15. 19.), unum de altero affirmando, vel negando; quin distincte convenientiam, vel contradictionem, unius ad alterum discerna-

cernamus ; atque id genus judicium *sensus naturæ communis* vulgo appellari solet.

* Dixi *sensus communis* judicia *vulgo* esse solum de qualitate rerum seu jam existentium, seu mere possibilem, non de existentia. De solius *DEI existentia* etiam *sensus communis* judicium habemus: sed eo judicio existentiam *DEI* cedi qualitatem *DEI*, pro subiecto interim mere possibili assumti, enuntiamus, ceu ex ipsa ejus notione cognitam & perspectam: nec aliud ullum judicium *sensui communi* proprium extat, quo de existentia rerum judicetur.

** Dixi porro: *judicia sensui naturæ communi propria* neque niti *distincto intuitu*, *immediato*, *vel mediato* (una tertia, vel quarta idea mediante, in simplici, vel concatenato ratiocinio) *mutuæ convenientiæ*, *vel contradictionis subiecti & prædicati*; talis enim intuitus evidentiam immediatam, vel mediatam, veramque demonstrationem rationis conficit: *nec testimonii auctoritate utunque sufficiente*; sic enim a fidei assensu non differret. Sed *neque nititur experientia præsentis sensus externi, vel intimi*; secus de existentia rerum singularium enuntiaret: *neque experientia præterita, simplici, vel multiplici & uniformi*; ob eandem rationem. Proinde abs dubio modum judicandi *sensus naturæ communis* proprium, peculiarem, & ab omni alio criterio sejunctum, diversumque conficit.

31.

Dantur passim in hominibus judicia sensui naturæ communi propria. Ut certitudinem, imo evidentiam istius thesisi prorsus evincam, adnoto primum: hæc ipsa judicia esse facta existentia, ac proinde




inde eorum ceu rerum singularium existentiam tum sensus externi experientia de signis certissimis existentiae illorum in aliis hominibus, tum sensatione intima de illorum existentia in nobismet ipsis, compertam unice haberi posse. Atqui revera experientiam talem externam de aliis passim hominibus, tum vero experientiam intimam de nobis ipsis habemus, quod easdem veritates, ad qualitates rerum, tum existentium, tum mere possibilium, spectantes, quas summi demum Mathematici, Physici, Theologi, Jurisperiti, atque Medici, propriis ex criteriis intrinsecis (29. 30.) soli vere demonstrare sciunt, quasque ipsi nos primum multo studio & reflexione demonstrare posteriore vitae nostrae tempore didicimus, quod, inquam, plurimas ex istis veritatibus, sine institutione alicujus hominis, vel certe non innixi praecise alieni testimonii auctoritati, & alii, & nos ipsi, jam ex solis confusis notionibus subjecti & praedicati perspectas habuerimus, & affirmative tenuerimus. Enimvero quis negabit, etiam veteribus Philosophis plurimas veritates tum de qualitate naturali rerum existentium in hoc mundo, tum de qualitate morali actionum humanarum perspectas fuisse? Atqui tamen an eisdem compertas fuisse credemus eas demonstrationes, quas in hodierna Metaphysica atque Ethica, & in Jure Naturae, de eisdem veritatibus plena cum evidentia proponi in optimis quibusque de hoc argumento libris videmus? Pridem cognitum sensu naturae est, *inbonestum esse, inimicos odisse*, atque alio, quam praecise defensionis necessariae studio, atque limite praescripto, persequi, eorumque malis delectari. At quis veritatem istam ante nostrum hoc seculum plane demonstravit ex distinctis notionibus istius ipsius actionis & moralis honestatis theologiae?

Idem

Idem de plerisque aliis vitiis & virtutibus dici potest; quorum diversam moralitatem profecto si omnes sola demonstratione, & judiciis distinctis, immediatis, vel mediatis, cognoscere possent; næ paucos numeraremus, qui inter bonum & malum morale in particulari discernere valerent. Experiencia ergo intima evidens est, dari in nobis ipsis judicia sensus naturæ communis propria.

* *Joannes Lockius* in L. I. Tentam. de Intell. c. 3. *Joannes Clericus* in Pneumatol. Sect. I. C. 5. §. 16. *Christianus Thomafius* in Procem. ad Instit. Jurisprud. div. & Introduct. ad Philos. Aul. c. 5. §. 35., aliique viri maximi Sensum communem naturæ a numero criteriorum veritatis excludere, nec nisi pro ignorantiae asylo habendum graviter edixere. At enim non putem ego, viros hos summos ipsam existentiam sensus naturæ communis, atque judiciorum eidem vere propriorum, negare voluisse; vel certe fatendum est, illos distinctiore istius naturalis facultatis notitia caruisse. Credam equidem, illos aliud non voluisse, quam ut turpitudinem illam doctis hominibus persuaderent, qua olim passim etiam scientiarum doctores in solo argumento ex communi naturæ sensu petito nimis facile acquiescebant; quin & multa alia infantiae reipsa præjudicia hoc sensus naturæ nomine inani excusabant, sollertioris veritatis indaginis subinde pertæsi.

Assensus judiciorum, sensus naturæ communis propriorum, nequaquam pari necessitate in nobis exoritur, sicuti in judiciis immediatis, & mediatis, evidenti intuitui innixis; sed potius liberi arbitrii Imperio



imperio subjacet, ut existat, vel non existat. Sola enim ratio sufficiens veritatis realis distincte cognita intellectum rapit ad assensum. Atqui in judiciis sensu communi naturæ notis non distincte cognoscitur ratio sufficiens illa veritatis realis, sed solum ex confusis subjecti & prædicati notionibus judicatur (31.). Ergo semper liberum manet, dare assensum ob ipsum sensus communis naturæ obscuram persuasionem, vel suspendere assensum simpliciter ob cognitum defectum rationis sufficientis distincte cognitæ.

§. II.

De natura & usu Sensus Naturæ communis in cognoscenda veritate.

33.

Sensus naturæ communis quoad substantiam non differt a facultate intellectiva rationis demonstrativa & cum evidentia veritatem cognoscentis; sed solum secundum accidentia conceptuum & notionum de objectis; quibus ista distinctis, ille vero utcunque claris quidem, sed simul admodum confusis, in cognoscenda veritate sic utitur, ut, cum ratio demonstrativa tum subjecti possibilitatem (seu realitatem), tum prædicati convenientiam, vel contradictionem cum subjecto, quovis in judicio, immediato, vel mediato, ex distinctis utriusque notionibus distincte intuetur; sensus naturæ communis eam utramque ex notionibus claris quidem (in ordine ad discernendum objectum totale) sed confusis (secundum singulas partiales notas) discernat confuse, at sine distincto quidem, non tamen sine claro simpliciter intuitu. Igitur totum evidens a posteriori fit reflexionē sensa-

sensationis intimæ, qua meditemur modum, quod demum homines universe a cognitione veritatum plurimarum, jam prius a se confuse cognitarum, progredi solent ad ipsam earum evidentiam cum demonstratione perfecta intuendam; quoties progressus iste fit non ex novis principiis, experientia aliqua nova primum detectis (seu externa sensuum, seu intima) sed ex sola meditatione & multa reflexione super principiis & rerum notionibus confusis, jam antea habitis, & perceptis. Quid enim usuvenit demum, cum ex. gr. prius ex solis confusis conceptibus *de ordine rerum in hoc mundo tam mutabili sensu naturæ dictante cognovimus, illum debere habere pro auctore & ultimo principio efficiente DEUM seu ens a se, immutabile, infinite sapiens & potens*; postmodum vero ex his ipsis confusis adhuc notionibus, sola super eis reflexione formamus distinctiores, atque ex his mutuo comparatis incipimus cum demonstratione intueri evidentiam ejusdem veritatis? Quid, inquam, usuvenit aliud, nisi quod id, quod prius jam ex comparatione idearum confusarum intuebamur, postea evolutis reflexione partialibus notis idearum subjecti & prædicati, distinctius videamus; ita, ut, cum prius totalem ideam prædicati, simpliciter claram, sine discretione plurium ejus partialium notarum, in idea subjecti itidem confusa, simpliciter tamen clara contineri, aut eidem disconvenire videremus; postea explicatis magis utriusque notionibus, vel cum, vel sine applicatione tertiæ ideæ (ut in ratiocinio fieri solet) itidem magis explicatæ, etiam singillatim omnes & singulas partiales notas prædicati in idea subjecti contineri, aut unam singillatim illius notam ab hac excludi, distincte perspiciamus. Profecto enim inventores demonstra-

monstrationum distinctas notiones, per quas demonstratio ejusdem veritatis, præsertim ab omni experientia remotæ, absolvitur, non creant ex nihilo, sed reflexione ex notionibus confusis pedetentim efformant, tum abstrahendo simplices notas a compositis conceptibus, tum has item singillatim inter se in diversis ideis comparando, atque ita tum convenientiam plenam omnium notarum expressius intuendo, tum contradictionem idearum ex oppositione contradictoria vel unius notæ in una atque altera magis explicate observando. Atqui eadem est facultas reflectens super ideis confusis, & per eas confuse cogitans, & reflexione pedetentim explicans distinctas ideas, & postmodum in his nova reflexione veritatem eandem distincte & cum evidentia distincte intuens, Ergo &c.

* Discrimen hujus utriusque cogitandi modi in una eademque facultate intellectus graphice advertes, si reflectas ad discrimen, quo peritus aliquis pictor recognoscere solet similitudinem, vel dissimilitudinem ectypi alicujus cum noto sibi prototypo, a se diligenter alias & singillatim quoad lineamentorum minutias pro artis suæ peritia observato; & quo eandem similitudinem, vel dissimilitudinem adpercipere solet homo quicumque alius rudior, qui solo superficiali visus obtutu frequentiore prototypi speciem sibi familiarem habet, nec ipsius ectypi lineamenta singillatim, sed compositam solum speciem contueri solet. Si ex rudi isto homine quæras, quem ectypon hoc repræsentet, item an bene, vel male Petrum repræsentet: ex solo confuso ectypi & prototypi conceptu, quem rudi ex obtutu menti infixit, tibi promte, ac ut plurimum, simpliciter ex vero respondebit: Petrum

trum bene, vel non bene repræsentat. At si quærendo porro urgeas, unde, & ex quo singillatim similitudinem, vel dissimilitudinem probet: nisi nova reflexione ad singula prius descendat, hærebit ei aqua; vel certe non nisi rudia valdeque composita & confusa similitudinis, aut dissimilitudinis indicia, & notas enumerare poterit. Contra peritus pictor ille, pro eo, atque diligentireflexione, super minutias lineamentorum singillatim jam prius facta, multo distinctiorem prototypi ideam in mente præformatam gerit, & ex artis habitu in ectypo etiam comparisonem singulorum lineamentorum cum illa prototypi idea instituere novit; ita prædictæ quæstioni respondens, mox notas omnes particulares similitudinis, aut dissimilitudinis minutim enumerare incipiet, e. gr. singularum vultus partium figuras, lineamenta, colorem, magnitudinem, proportionem &c. &c. Jam vero an non uterque istorum hominum eandem ideam visualet aspectu prototypi atque ectypi integram accepit? an non rudis ille homo æque oculorum acuminè, atque ille peritus artifex, pollere potuerit? Uterque ergo expressam eandem prototypi atque ectypi imaginem habere in mente potuit. Uterque similitudinem aut dissimilitudinem utriusque ex ejusdem intuitivæ facultatis obtutu perspectam ex vero habuit. Aliter tamen artifex, aliter rudis ille eam perspexit. Prior ille quidem cum distincta omnium notarum similium, vel dissimilium, singillatim enumeratarum, cognitione & discretionè, ac proin cum evidentia cognitionis: alter non nisi confusa similitudinis, aut dissimilitudinis totius ectypi & prototypi in composito adperceptione. Sed unde totum discrimen hoc? Ex eo, quod artifex reflexione super singulis partibus

ideæ prototypi juxta atque eëtypi utens, easdem inter se singillatim componens, plurimas singulares totalis idearum similitudinis, vel dissimilitudinis singulares notas discernat; ex quibus proin cum evidentia de gradu & integritate similitudinis judicat: dum e contra homo rudis, uno velut intuitu notas omnes similitudinis involvens potius, quam seorsim discernens, uti tam prototypi quam eëtypi solum confusam (simpliciter tamen claram) ideam, frequenti quidem, sed parum reflexo, & ad singulas partes seorsim defixo, aspectu habet, ita etiam ipsius similitudinis utriusque non nisi confusam, claram tamen simpliciter, certamque notitiam habet. Pictor ante artem pingendi perceptam ipse erat rudis ille homo, de quo dixi, nec aliter tunc nisi confuse de similitudine picturæ cum prototypo judicasset. Ast post artem perceptam distincte & cum evidentia judicat de eadem. Rudis homo ille nos omnes sumus, priusquam demonstrationes addiscimus, ex sensu communi naturæ confusisque ideis veluti in composito de rebus judicantes: his jam probe instructi ad modum artificis illius longe distinctius de rebus iisdem & cum evidentia judicamus.

**** Ceterum ex his ipsis modo dictis patet, non male a celeberrimo Lockio in iis sensum naturæ communem ignorantiae asylum appellatum fuisse, qui illius dictamen confusum allegare pro quavis veritate asserenda contenti, distinctiori veritatis cognitioni, ipsique evidentiae eruendæ operam nullam impendunt.**

***** Verum ut sensus communis naturæ indolem veramque naturam porro aliis exemplis pluribus, in quibus eius dictamina judicique locum habent, meridiana in luce**

luce collocemus; opportunum erit sermonem hic inferre erroribus absurdissimi in illius natura explicanda a subtilissimi alias acuminis scriptoribus in argumento momenti gravissimi commissi, nimirum in moralitate bona & mala actionum humanarum discernenda. Nempe David Hume (*Essais de Morales Addition I. Sur le Sentiment Moral.*) D. Robinet in opere Gallico *de la Nature*, alique, *Sensum* quemdam *Moralem*, gustumque naturalem. Virtutis & Vitii, universe ceu judicem omnis moralis discriminis humanarum actionum adstruxere; de cujus tamen natura mirum quam absurde viri cetera summi scripsere. D. Robinet illud quamdam speciem sensus externi existimat; cujus organum sensorium subtilitate sua oculos nostros in nostro corpore adhuc effugiat, sed fortassis detegi adhuc subtilioribus microscopiis inventis queat. D. Hume sub finem cit. Dissert. ita scribit: *oportet esse sensum aliquem, aliquem tactum, seu gustum interiorem, vel quocunque nomine illum appellare libeat, qui bonum ac malum morale discernat.* Ipse D. Federus in sua *Philos. Pract. Univ.* item ceu dubiam quaestionem versare videtur: *an sensatione quadam incerti generis, an rationis judicio, discrimen moralium actionum discernere soleamus?* etsi ipse ad partem rationis sua sententia accedat. At enim facilimum est demonstrare, *discrimen illud moralitatis actionum humanarum* nullo sensu externo, nec experientia, sed solo judicio *rationis*, nunc per *sensum communem naturae* solum ex confusis notionibus, nunc *demonstrative & cum evidentia* de eodem ex distinctis notionibus judicante. Consistit enim evidenter in relatione actionis ceu medii idonei ad finem ultimum hominis, qui sine dubio vera ejusdem beatitudo est. Jam vero tam de *sine* isto.



quis sit; quam de *ratione medii*, utrum ista cuique actioni humanæ liberæ insit, solum rationis iudicio, nequaquam vero ullo sensu externo, seu corporeo organo mediante, judicari a nobis potest. Ut enim omnem amplam de vera beatitudine objectivā, & fine ultimo hominis disputationem hic omittam: evidens est, nihil quod sensu externo percipi potest, id est, nihil corporeum, bonum summum objectivum entis spiritualis, quale anima nostra est, conficere posse, ceu quid ista longe inferius in perfectione. *Finis ergo ultimus*, seu ipsa beatitudo hominis, *non sub sensus corporei experientiam, sed ut res & objectum ab omni corporeo remotum ad solum mentis spirituales intuitum rationis spectat*. Multo vero minus ratio medii, actioni humanæ liberæ insiti, ad eundem finem suo sensum corporeum cadit. Actio enim ista immediate libera tota menti immanens & mere spiritualis est, nec nisi per suos effectus, ceu signa causæ naturalia, id est, per motus corporis, sub oculos cadit. Præterea ratio medii ad finem eidem insita non nisi in consensu cum summo bono, id est, cum divinis perfectionibus, consistit: qui consensus cum iterum relatio similitudinis sit actionis cum perfectione divina; cujus relationis neuter terminus ullum organum corporeum impressione aliqua per se afficere extrinsecus aut possit, aut soleat: enimvero evidens est, quod sensu externo eam experiri non possimus, sed solum rationis iudicio discernere. Jam vero cum illam relationem similitudinis actionum certarum humanarum cum DEI perfectione aliqua æque rudes homines ex confusis de divina perfectione & actionis natura conceptibus passim agnoscant, atque alii Ethices accuratæ periti ex distinctis eisdem
notioni-

notionibus demonstrare subinde noverint: patet profecto, *sensum moralem*, vulgo hominum communem, non nisi communem naturæ sensum esse; uti & hunc a ratione distincte & cum evidentia judicante non nisi diverso gradu distinctionis conceptuum atque notionum differre.

§. III.

Quodnam in, asserenda Numinis existentia pretium statui debeat communi humani generis consensui.

34.

Vulgus hominum indoctorum sensu naturæ communi DEI existentiam cognoscere solet, non ex evidentia rationis demonstrativæ. Demonstrationis enim paucissimi capaces, pauciores vero actu conscii & periti sunt. Porro tametsi in pueritiâ plerique sola instructorum suorum, vel parentum auctoritate in credenda Numinis existentia acquiescant: tamen auctoritas mere humana viris vel mediocriter sagacibus non sufficeret ad Numinis existentiam constanti & firma persuasione credendam; nisi reflexione super mundi istius mirabili simul ordine & perpetua mutabilitate instituta, ipsimet ex notionibus confusis *entis mutabilis*, & *entis immutabilis atque a se ipso existentis*, perispecta semel illius prioris in hoc mundo existentia, etiam hujus existentiam saltem confuse ipsimet proprio sensu perspicerent esse necessariam. Quid quod vel sola confusa *entis infinite perfecti* notione cum reflexione examinata facile perspiciant, idem & *possibile* esse, & *si possibile sit*, ob perfectionis ipsam infinitudinem *existere debere*: etsi ob notionum istarum



confusionem, qua vulgo laborant, distincte ista omnia non intelligant, nec demonstrare sciant. Itaque vulgus hominum &c. &c.

35.

I. *Sensus de DEI existentia idcirco hominibus mediocri saltem reflexione utentibus plerisque communis est, tum quia omnibus notiones de DEO, & istius mundi ordine & mutabilitate, ex institutione humana vulgo obveniunt saltem confusæ, tum quia ex his notionibus, etsi solum confusis, omnes DEI existentiam saltem confuse naturæ ipsius sensu communi agnoscunt.*

II. *Etsi fortasse aliqui sint, qui existentiam DEI præfractæ negent. non sequitur, eos sensu naturæ communi de ejus existentia carere: quia nulla est necessitas eidem actu in mente esistenti assensum præbendi (33.).*

36.

Sensus naturæ communis in singulis seorsum spectatus sæpe errat, maxime in iis veritatibus cognoscendis, quorum etiam evidens demonstratio minime simplici, sed non nisi concatenato ratiocinio absolvi potest. Cum enim aliud non sit quam ipsa humana ratio confusis ex ideis ac notionibus cogitans; in confusa autem cognitione ob defectum animadversionis discriminum facile unum pro altero sumitur (id est, facile quædam confunduntur inter se); facile hoc ipso error committitur; si solo naturæ sensu proprio singulari ducamur. Porro id tunc præcipue fieri multo pronius est, cum ad veritatem secure cognoscendam multo plura discernere

nere inter se oporteret, quod in concatenatis pluribus ratiociniis necesse est. Etenim vel unum ex multis, quæ discernere oporteret, si cum altero confundat, error in proclivi est. *Experientia* id ipsa docet. Cum enim olim in Philosophia; in Jure Naturæ &c., non nisi ex confusis notionibus doceretur; etsi in multis veritas attingeretur, errores tamen plurimi committebantur, quos hodie cadere in doctos potuisse admiramur. Multo vero magis errabatur in iis quæstionibus, quæ, ceu magis complicatæ, non nisi multiplici plurium ratiociniorum evolutione & concatenatione etiam hodie in Metaphysica, Jure Naturæ, atque Ethica &c. &c., demonstrari possunt.

37.

Judiciorum de una eademque re diversitas in diversis hominibus non nisi in confusa de iisdem cognoscendi metodo locum habet; Et tum ex diverso gradu claritatis atque etiam distinctionis ipsarum notionum confusarum, quæ in uno atque altero intellectu insunt, tum ex diverso gradu attentionis Et reflexionis in judiciis ferendis super ipsis confusis notionibus, oriri solet. Inprimis enim ubi ex notionibus tam distinctis ratiocinamur, ut omnes rationes partiales sufficientes discernantur, evidentia nascitur, quæ ad assensum necessitate trahit. Quodsi ergo omnes ex æque distinctis notionibus ad evidentiam intuitum sufficientibus ratiocinarentur; nulla judiciorum diversitas esse posset. Ex adverso dum plerique ex solis confusis conceptibus judicia sua formant, præsertim cum non nisi concatenatis ratiociniis veritatis evidentia obtineri potest, nunc iste hoc, nunc ille aliud cum altero con-

fundere ex multis iis potest, quæ discerni a se invicem vi distinctiorum conceptuum deberent; ac proinde diversitas iudiciorum locum habet; pro eo nempe inprimis, quo unus aliis confusiores, vel minus confusos de eadem re & de rebus cum ea affinis & connexis conceptus habet; tum vero etiam pro diverso attentionis & reflexionis usu in ipsa confusarum notionum convenientia, vel contradictione, inter se discernenda. Ergo &c. &c.

38.

Quodsi ergo homines consensu valde communi in aliquo iudicio per communem naturæ sensum, id est per rationem ex confusis notionibus iudicantem, elicitō convenientiam; indicium est, tam sufficientem claritatis & distinctionis gradum omnibus inesse circa notiones omnes, ex quibus id iudicium communi naturæ sensu ab omnibus formatur, talemque earundem notionum uniformitatem, ut mediocri etiam attentionis ac reflexionis super eisdem gradu earum talem convenientiam, vel disconvenientiam, singuli discernant, qualem communi consentiente iudicio enuntiant. Et vero confirmabuntur quique in hac illatione faciendā ex ea, quam in se ipsis experiuntur, tum facilitate formandarum illarum notionum satis clare objectum repræsentantium, tum reflexionis faciendæ ad ipsum ferendum illud iudicium sufficientis.

39.

Cum plurimi homines diversissimi acuminis intellectus, indolis, conditionis, nationis &c. in eodem de re aliqua iudicio, sine evidentia tamen demonstrationis, sed solo confuso sensu naturæ, constanter

ter tamen, consentiunt; supposita certitudine experimentalis de diverso in eis iudicii acumine in plurimis aliis rebus dijudicandis, certum est, diversum in eis vel maxime esse gradum claritatis & distinctionis earum notionum, ex quibus singuli consentiens illud iudicium solo confuso naturæ sensu efformant. Quodsi ergo nihilominus insuperhabito eo discrimine claritatis notionum idem omnes ex his iudicium de eadem re formant; cum simul ob ætatis, conditionis, nationis, omniumque emolumentorum & iurium tam varium discrimen, communia illis motiva falsum dicendi suppetere moraliter non possint; de duobus certi moraliter saltem efficimur, primo scilicet, quod omnes & singuli iudicium tale, quale ex proprio naturæ sensu efformant, sincere enuntient; deinde quod omnes, insuperhabito diverso notionum earundem gradu, quo pollent, insuperhabito item tam vario acumine & reflexionis usu, tamen idem prorsus in iisdem simpliciter quidem adhuc confusis, sed tamen diverso gradu clavis, notionibus mentis obtutu videant, & discernant. 2.) Quod quidem totum tunc a fortiori valet; cum iudicium id genus consentiens de re maximi momenti fertur, & in qua omnium maxime interest, ut ne errent, vel alios destinato consilio decipiant.

40.

Quodsi ergo consensus hominum communis in consentiente iudicio, solo communi naturæ sensu ex confusis simpliciter notionibus formato, erraret; assumere oportebit, omnes, qui in eo iudicio consentiunt, id in suis notionibus de objecto, de quo iudicant, confundere, ex quo uno discreto, & cla-

U S

re

re cognito, veritas cognosci, & error devitari posset.

41.

Consensus communis hominum in re maximi momenti, etiam non sub sensus cadente, & ubi non de factis attestandis agitur, valde authentici testimonii dogmatici & gravissimæ auctoritatis rationem habet: 2.) multo vero majorem habere debet apud profunde doctos, qui, si non omnia, saltem pleraque judicia communi sensu naturæ nota, & consensu communi hominum probata, etiam rigida demonstratione cum omni evidentia probare sciunt. Talis enim consensus communis imprimis notas certas habet veracitatis tot testium in prodendo vero suo sensu (40), tum vero tot partiales atque tantas notas securæ notitiæ veritatis; quot & quantæ sunt, & esse noscuntur, vires intellectus in universis hominibus in eo judicio consentientibus, atque conatus veritatem in re tanti momenti rite cognoscendi. Atqui istæ vires & hi conatus innumeri & maximi sunt. Ergo & authentia atque auctoritas communis naturalis sensus hominum gravissima & maxima est: quod primum. Porro profundius docti pro numero veritatum, olim & ipsis solo communi sensu naturæ notarum, quas quisque ex eis nunc etiam rigidis demonstrationibus ad omnem evidentiam ostendere novit, etiam uniformi experientia positiva, eaque multiplici, pollent, de uniformi & constante veritate communis consensus hominum, ac proinde peculiari veritatis ejusdem criterio pollent (11.): cum ceteri solum negativa experientia uniformi gaudeant, qua videlicet uniformiter huc usque experti sunt, nullum judicium

dicium communi consensu hominum receptum huc usque falsitatis unquam convictum fuisse.

* Non licet hic uniformem positivam experientiam univcrse allegare de eo, quod semper experti uniformiter sumus, vera fuisse, quæ communi consensu homines, naturæ sensu dictante, credidere. Nam ad id genus veritates non solum DEI existentia, sed etiam omnia generalia principia morum & motiva totius honestatis pertinent; de quibus hic ex æquo quæritur, utrum consensus naturalis hominum de eorum veritate certi criterii vim habeat, & attingat. Quamdiu ergo aliunde quam ex sensu naturæ & communi hominum consensu istas veritates perspectas non habemus, experientiam veritatis de judiciis communi consensu hominum celebratis allegare non possumus. Soli docti, qui easdem veritates demonstrare norunt, experientiam ejusmodi allegare ex sensu intimo evidentiae demonstrationum suarum possunt. Alio-
ter de communi hominum testimonio historico in factis sensibilibus contestandis loqui licet: quod utique verum esse ex uniformi experientia notum est. Recte itaque Seneca dixit, *nemo omnes, omnes neminem fallunt*; quamdiu de factis sensibilibus omnium consensu attestatis id affirmavimus. Dum vero etiam de aliis veritatibus sensu naturæ communiter credi solitis idem pronuntiare videtur; quæritur hic ex instituto; quo id fundamento dixerit; cum uniformem experientiam omnibus communem de eo jam allegare non possit.

** Superest ergo solummodo, ut vim istius auctoritatis, quæ communi hominum sensui ex ipso sensu naturæ orto inest, tum ad movendum intellectum ad assensum, tum



tum ad ejus certitudinem determinandam, porro accuratius ponderemus, ac definiamus. Ad hoc vero opus est, ipsam indolem omnemque naturam physicæ, ac moralis certitudinis præcisius ob oculos ponere: quo factò facile nobis erit ostendere: *consensum hominum in judicio tam gravi, quale est de existentia DEI, ipsam certitudinem physicam criterii sensuum externorum proxime assequi.* Juvat ergo, hic ea in Synopsi excerpere, quæ hac de re scripsi alias in Démonstratione Evangelica Cap. V. Artic. 1. §. II.

42.

Evidentia physica judiciorum de eventis seu mutationibus, in hoc mundo contingentibus & futuris, est intuitus distinctus rationum sufficientium naturalium, seu legum naturæ, per quas quilibet eventus, vel mutatio, in hoc mundo pro quovis tempore & loco sic determinatur, prout judicium nostrum enuntiat.

43.

Evidentiam physicam nunquam proprie assequimur nostris judiciis de eventibus & mutationibus in hoc mundo corporeo contingentibus. Neque enim ipsas horum eventuum rationes sufficientes, simplicibus ipsis elementorum corporeorum substantiis insitas singillatim intuemur, sed solum ex uniformitate eventuum naturalium ex iisdem positis conditionibus semper pariformiter consequentium, concludimus, in iis conditionibus simul sumtis causam eventus simpliciter inesse, & iisdem deinceps denuo positis eventum similem consecuturum. Non itaque ipsas rationes sufficientes eventuum distin-

distincte intuemur, nec proin eorum evidentiam physicam habemus; sed ipsam solummodo uniformem successionem eorundem; ex qua vi legis phantasticæ iisdem antecedentibus forte iterum recurrentibus similia secutura denuo expectamus.

44.

LEMMATA QUÆDAM PSYCHOLOGICA.

1.) Cum sensu externo frequenter jam, & nunquam non uniformiter experti sumus, certas in objectis externis mutationes constanter easdem & eodem modo conjungi; tunc recurrente unius mutationis ex eisdem sensatione, continuo sensu intimo experimur, nos inclinari ad concludendum cum certitudine, subsequituram mox alteram illam in objecto eodem mutationem, quam antebac semper subsequutam esse, uniformi semper ac frequentissima experientia sensuum experti sumus.

2.) Ex adverso si experientia sensuum non uniformes, sed dissimiles fuere, ita, ut non semper eadem mutatio subsequens in objecto eidem mutationi antecedenti respondisse observata fuerit, sed nunc hac, nunc alia: tunc neutiquam cum firmitate illa ac certitudine ex primæ mutationis redeunte observatione sequituram alteram concludimus, sed cum probabilitate solum, eaque majore, vel minore, pro eo atque plures uniformes, & pauciores dissentientes experientias prævias de successione continua id genus mutationum in objecto numeramus.

3.) Porro inclinatio illa naturalis ad conclusionem illam de simili eventu ex similibus antecedentibus secuturo nunc cum certitudine, nunc cum probabilitate solum faciendam immediate oritur ab
ideis

ideis uniformium illarum, vel non uniformium, experientiarum sensualium, ope phantasiæ reproduci, & ope memoriæ recognosci solitis; quæ ideæ singulis experientiis olim habitis respondentes, singulæ totidem sunt rationes insufficientes & probabiles; ita tamen, ut ipsa illarum uniformitas pro numero earundem probabilitatem augeat similis in simili bypotbesi futuri eventus; & si numero sat frequentes sint, simulque dissentientium experientiarum nullæ omnino ideæ adsint, quæ ab assensu talis conclusionis simul eodem tempore absterreant, omnino certitudinem, id est, gravem illam, firmam, nec in utramque partem vacillantem mentis ad assensum ipsum inclinationem, nullo in oppositam partem momento reitentam ac debilitatam, consiciat.

4.) Itaque ipse intuitus mentis in ideas uniformes præteritis experientiis numero plurimis respondentes, id est, quod CERTITUDINEM PHYSICAM seu naturalem de simili in simili bypotbesi futuro naturali eventu appellamus: eoquod ex ipsa natura tum objectorum naturalium, secundum statas naturæ suæ leges mutationes suas vi naturali propria obeuntium, tum ex natura mentis nostræ, ejusque facultatis phantasticæ, itidem certis naturæ suæ legibus subjectæ, oriatur.

5.) Certitudo physica judiciorum nostrorum modo definita de futuris naturalibus eventis in hoc mundo non nititur inductione generali & completa. Nemo enim hominum ipse propria experientia expertus est omnes casus similes, in quibus ex similibus antecedentibus eventis similia consequentia in hoc mundo huc usque evenere.

6.) Cer-

6.) *Certitudo physica prædicta (absente miraculo) cum ipsa veritate judiciorum nostrorum de similibus futuris eventibus connectitur præcise per hypothesein, tum quod ipsa natura mentis nostræ vi legum suarum naturalium absolute, & sine ulla periculi admonitione, vel indicio, nos inclinare ad erroneum judicium passim saltem non possit; tum quod actu existant in natura corporea statæ leges naturæ; secundum quas uniformiter, & sine exceptione mere rarissima, eventus naturales semper iidem ex eisdem positis antecedentibus eveniant: ita tamen, ut vi istius meræ certitudinis physicæ veritas realis utriusque istius hypotheseis ulterius evidenter probari non soleat.*

7.) *Unde eadem certitudo physica per se ipsam non exhibet menti immediate impossibilitatem absolutam etiam naturalem alterius eventus dissimilis sub eisdem licet adjunctis antecedentibus secuturi: per quod ipsum differt ab evidentia physica (43.).*

8.) *Certitudo physica varios gradus habere potest, pro multitudine videlicet experientiarum uniformium, quas quisque propria sensatione jam cepit, & pro gradu vivacitatis phantasiæ earum ideas reproducentis, & per memoriam recognoscentis.*

9.) *Ad summam physicam certitudinem de futuro aliquo eventu non est opus propria experientia ejus, qui physice certus esse velit. quas is singillatim omnes similes eventus præteritos ipse expertus sit; sed sufficit consentiens aliorum hominum testimonium, idem se constanter in similibus adjunctis exper-*



expertos testantium, ac ne istorum quidem singulorum determinate, nec universorum; sed multorum saltem: sic tamen, ut nullo probabili testimonio constet de experimento contrario. Plus certe arctum vitæ spatium, & communis facultas certam de aliorum experientia capiendi notitiam privato cuique homini non permittat; quin idcirco quisquam negaverit, etiam privatum quemque particularem hominem de id genus eventibus certam prævisionem habere posse.

* Hæc demum universe sumpta *certitudinem* illam *physicam* absolvent, quam omnes docti indoctique talem appellant, quam de eventibus naturalibus, ex applicatione certarum causarum naturalium sub certis individuis adjunctis extituris, habere solemus, ex. gr. de accensione stuppæ aridæ ab igne applicato, de castino ortu foliis, & hodierno occasu futuro &c. Alia quæstio est: *an demonstrari possit etiam usque ad evidentiam, hujusmodi certitudini physicæ absolute falsum subesse non posse.* Qua de quæstione sane difficili nihil opus est isthic quidpiam pronuntiare. Sufficit veram naturam physicæ certitudinis, a nullo in dubium vocandam, exposuisse; atque modo ostendere, totum, quod in ea inest ponderis ad assensum imperandum, atque adeo etiam proxime ipsam istam certitudinem physicam inesse judiciis nostris, quæ ex communi consensu hominum de aliquo dogmate, ex ipso sensu naturæ istud dictante orto, in nobis existunt.


45.

Sensus proprius naturæ, ad aliquod judicium in re gravis momenti ex ipsis confusis subjecti & prædi-

prædicati notionibus nos inclinans, si communi hominum consensu, satis certo item nobis perspecto, fulciatur, parem certitudinem talium judiciorum parit, qualis est vulgo certitudo physica de futuris eventibus, ex sola uniformi præterita experientia in nobis oriri solita (præc. n. 4. & 5.). Habet enim omnes notas & rationes assensus firmi cum ista communes. Cum enim per noticiam certam de communi consensu hominum circa tale judicium certi hoc ipso simus, omnes communiter homines perinde, atque de nobis ipsis intime experimur, ipso naturæ communi sensu inclinari ad tale judicium; & pari, confuso licet, claro tamen, intuitu mentis videre nobiscum eandem convenientiam, vel contradictionem subjecti & prædicati ejusdem: tot cognita consentientia hominum judicia, æque clara, atque noster proprius naturæ sensus est, se habent instar illarum uniformium experientiarum, in ideis phantasticis a phantasia reproductis menti præsentium; singulaque parem vim habent, atque singulæ istæ ideæ phantasticæ, præteritas uniformes experientias repræsentantes, ad movendum intellectum ad assensum; ita, ut concordia omnium judiciorum humanorum satis certo perspecta eundem effectum in mente pariat, quam parit sat certo perspecta uniformitas experientiarum externarum sub eadem hypothese antecedentium (præc. n. 3. & 4.). 2.) Porro sicut certitudo physica non nititur generali inductione omnium eventuum similium in simili individuo casu (præc. n. 5.); ita nec opus est ad hoc, ut communis sensus hominum omnino omnium nobis singillatim sine exceptione perspectus sit: sed sufficit etiam ad parem summam certitudinem judiciorum communi consensu hominum & ipso proprio naturæ sensu ni-

D

xorum,



xorum, ut de plurimis hominibus ipsi ex eorum testimonio certam notitiam hauserimus, & de aliis universe ita ex consentiente coævorum aliorum hominum attestatione nobis constet, ut nullo probabili testimonio constet de opposito (præc. n. 9.). 3.) Sicut rursus certitudo physica subsistit in certa expectatione similium eventuum ex uniformi experientia præterita; etsi illa non exhibeat impossibilitatem absolutam etiam naturalem alterius eventus futuri: ita etiam certitudini absolute simili iudiciorum nostrorum prædictorum ex communi consensu hominum nihil obstat, quod consensus istius certa notitia non exhibeat impossibilitatem absolutam etiam naturalem oppositi, vel erroris ipsi huic consensui se miscantis. 4.) Denique sicut certitudo physica de futuris eventibus, ex præteritis uniformibus experientiis nata, cum ipsa veritate iudicii, ad quod istæ inclinant, præcise connectitur per hypothesin, quod naturæ mentis nostræ vi naturalium legum suarum nos homines universe, absolute, & sine omni periculi erroris admonitione, vel indicio inclinare ad erroneum iudicium saltem passim non possit (præc. 6.): ita idem de communi sensu naturæ nostræ valet a fortiori in re gravissimi momenti. Ergo omnimoda est paritas inter vim certificandi, quæ inest uniformis experientiæ præteritæ memoriæ, & inter eam, quæ inest consensui communi hominum, ex ipso sensu naturæ orto, satisque certo perspecto, præsertim in rebus gravissimi momenti.

46.

Judiciorum certitudo, quæ proprio sensu naturæ simul ac certo consensu hominum nituntur, hoc præ

Præ certitudine physica judiciorum de similibus futuris eventibus ex uniformi præterita experientia orta peculiare habet; quod illi non obstat dissensus paucissimorum quorundam hominum, præsertim talium, de quibus aliis certis ex indiciis constat, quod illis ingrata sit veritas, quam sensus naturæ omnibus ceteris dicat. Constat enim ex dictis §. 33., nulla necessitate urgeri hominem quemlibet, ut sensui proprio naturæ etiam aliquod iudicium & assensum de certa veritate ex confusis ejus notionibus suadenti actu assentiatur. Ergo si alioquin constet de certis hominibus, illis motiva unde unde, ex. gr. ex fuga & odio talis veritatis, suppetere ad negandum ei assensum; dissensus illorum per se ne probabile quidem argumentum est, illos sensum eundem naturæ satis clarum de tali veritate etiam solum confuse cognita non habere. Ex altera vero parte ob communem naturam & intelligendi facultatem, hujusque sufficientem vim, quam illis pariter nobiscum competere constat, vi ipsius experientiae tam uniformis, quam de aliis pæne omnibus hominibus habemus, certi sumus, nec illis parem naturæ sensum de eadem veritate reipsa posse, quem omnes alii homines habent, eo solo discrimine, quod ejus dictamini præbere assensum ex odio ipsius veritatis, quam istud suadet, obstinate detrectent. Ergo &c.

* Sed juvat certitudinem ex communi sensu naturæ & consensu hominum ortam etiam comparare cum ea certitudine, quæ simplici sensuum testimonio inest.

47.

1) *Vulgus omne hominum simpliciter certum est*

D 2

est de existentia & praesentia corporum, quorum ideas sensuales visu, auditu, tactu &c. percipit.

2.) Nihilominus evidentiam, de ista praesentia corporum sensibilem idem vulgus hominum ex solis ideis sensualibus non habet, & communiter istam nec ratiocinio quodam superaddito attingit.

3.) Certitudo ergo physica, quam vulgus hominum de actuali praesentia talium corporum habet, qualia per sensus externos percipit, non nisi in sensu confuso vivacitatis idearum sensualium consistit, quas in se ex usu & applicatione sensuum mens nasci advertit; quin de modo cogitet, quomodo nascentur, aut de necessitate nexus illarum cum vera praesentia corporum, quae repraesentant, distinctam rationem sufficientem reddere sciant.


4.) Atqui confusus intuitus, quo sensu naturae solo veritatem aliquam ex solis confusis notionibus intuemur, vivacitate quidem intuitus, at non firmitate inclinationis, qua ad assensum invitat, differt ab ea inclinatione item mere confusa, qua ad credendam praesentiam corporum ex eorum sensatione externa impellimur; visque vivacitatis idearum sensibilem abunde suppletur eo momento, quod proprio naturae sensui ex certitudine de simili sensu & consensu omnium aliorum hominum accedit.

5.) Itaque certitudo ex sensu proprio naturae & accedente certo consensu simili naturali omnium aliorum hominum proxime ad certitudinem eam accedit quam vulgo nos, homines ex usu sensuum externorum de praesentia certorum corporum habere solemus.

* Neque

* *Neque putes* forsan, ex eo certitudinem testimonii sensuum majorem aperte probari, quod experientiae sensuum nostrorum plane non refragari ipsimet possimus; bene tamen sensui naturæ & communi consensui hominum. *Falsum enim est*, testimonio priorum sensuum nostrorum nos refragari absolute non posse. Certo Idealistæ veri extitere: & vel ex eo ipso, quod interrogatus quisque e vulgo hominum, unde probet, sensuum suorum ideis vere talia objecta præsentia subistere, qualia repræsentant; eo ipso, inquam, quod respondere nihil sciat, nec petatum probare queat; facile advertet, se absolute negare assensum sensuum testimonio posse, cujus veritatem probare non possit.

** Adde denique & illud: eodem communi argumento reflexo post aliunde demonstratam DEI existentiam (nempe vel *a posteriori* ex sensu intimo de existentia animæ propriæ ceu entis mutabilis; vel *a priori* ex ipsa *entis infinite perfecti* notione) ex divinis perfectionibus probari, DEUM permittere non posse, ut testimonio sensuum externorum, uniformis experientiae præteritæ & sensus communis naturæ, communi consensu hominum confirmati, in cognoscendis per ista criteria veritatibus maximi ad temporalem & æternam salutem nostram momenti unquam, citra omnem periculi erroris admoni-



tionem & indicium, fallamur: cum ipse pro sua infinita benevolentia per se necessitate absoluta feratur ad omne verum bonum nostrum, æternæ salutis proficuum, promovendum; nisi nostra ipsorum culpa impediatur. Proinde quam evidens cuique esse ex divinis perfectionibus poterit infallibilitas testimonii sensuum, vel uniformis experientiæ præteritæ similium casuum; tam quoque evidens sit necesse est certitudo falli nescia communis naturæ sensus, & ex eo orti consensus hominum quovis in judicio maximi momenti, e. gr. in primis principiis & fundamentis morum. &c. &c.

48.

Existit consensus communis hominum de existentia DEI, idemque ex ipso sensu naturæ communi ortus est. Quisque enim nostrum præter sensum naturæ proprium, quo se ex solis confusis notionibus ad hujus judicii, *DEUS existit*, assensum, seu ex intuitu creaturarum argumentando a posteriori ad existentiam DEI ceu communis causæ efficientis, sive a priori ex ipsa notione DEI, ceu entis infinite perfecti, inclinari sentit; insuper certissimis experienciis & testimoniis communem de hac veritate consensum plurimorum hominum compertum habet, & ex plurimorum aliorum consentiente attestatione similem consensum multo plurium aliorum ipsi ignotorum cetera hominum certissime cognoscit. Unde, si etiam aliqui existant, qui obstinate DEUM existere negent, ex ipsa perspectiva

specta similitudine specifica naturæ humanæ, & facilitate tum acquirendæ genuinæ de DEO ideæ, & formandi inde intuitus de ejus existentia ex confusis etiam notionibus *de hujus mundi ordine mutabili, & entis infiniti possibilitate & existentia*, item ex uniformi experientia de tali naturæ sensu in pæne omnibus aliis hominibus existente (40.), certi effici-mur, etiam in iis ipsis, qui negant DEUM existere, reipsa non deesse sensum eundem naturæ de existentia illius, solumque prava voluntate ipsos negare eidem assensum (47.); maxime quod vulgo in id genus hominibus atheis obvia se prodant motiva, dissuadentia talis veritatis ipsis merito timendæ assensum. Ergo reipsa existit communis sensus naturæ, & satis etiam communis actualis consensus hominum de existentia DEI.

49.

Consensus hominum de existentia DEI, qui actu existit (præc.), veram absolutamque certitudinem parit in omnibus, qui eundem rite perspectum habent. Patet ex dictis §. 46. Ostenditur vero idem ex absurdo, quod sequi reipsa, & esse tale, omnes sine petitione principii intelligent, qui DEI existentiam reipsa etiam cum vera evidentia a posteriori saltem, vel etiam a priori, demonstrare norint. Sequitur enim plerosque homines certos non esse de existentia DEI, ac proinde neque certos esse de existentia ullius legis divinæ: eoquod plerique demonstrationis & evidentia de ista veritate vel expertes, vel omnino etiam incapaces sint, nec aliò criterio ad illam cognoscendam ducantur, quam proprio sensu naturæ, & communi

hominum perspecto sibi de eodem consensu. Atqui evidens absurdum est, DEUM, qui pro sua infinita beneficentia non creavit mundum nisi beatitudinis creaturarum rationalium quam maximæ promovendæ causâ (non utique novæ alicujus propriæ utilitatis, vel voluptatis captandæ desiderio), plerisque omnibus hominibus negare primum omnium & maxime singulis necessarium medium hujus consequendi finis, videlicet certam de sua existentia notitiâ. Ergo ex negata certitudine illius consensus hominum de DEO existente sequitur evidens absurdum. Ergo ex opposito &c. &c.

* Superest, ut levibus argutiis breviter respondeam, quæ non nulli sic dicti Theistæ, cum Lucretio, Spinoza, aliisque veris Atheis, ad enervandam vim criterii istius veritatis, quam sensui naturæ, communique hominum consensui, de existentia DEI & præcipuis morum principiis inesse huc usque ostendi, excogitarunt. *Ajunt isti* 1.), sensum communem de his omnibus primis religionis principiis originem traxisse ex innata hominum meticulositate, qua anxii futurorum, & futuræ suæ sortis incerti, chimæras sibi pro veris rebus effinxerint, quiescere & frui præsentē forte in tranquillâ pace nescii. *Sed* eccur metui potius isti, quam spei (cum Puffendorffio de Offic. hom. Præf. §. VI. & ibid. L. I. c. 4. §. 8. seqq.) id genus conceptuum origo adscribatur, non video. *Anne* magis timere, si mali, an sperare, si boni simus, religio


ligio nos facit? Deinde metus talia sibi met fingens metro phantasmate, absque omni argumento, nonne grandis stultitia foret, universo humano generi tam temere non affingenda? Quod si seu metus ille, seu spes futuri, prudentem rationem revera habuit; quam aliam dabis verius, quam prævium (non sequacem) naturæ sensum de existentia DEI summe boni, & iusti, & providi, qui metum talem malis, juxta atque spem bonis, ingereret? Longe itaque verisimilius est, imo certissimum, quod sensus iste naturæ proprius causa illius metus & spei prævia fuerit, non autem, quod ex metu, vel spe simili, ille primum fuerit exortus. Secus profecto metus DEI potius suadere debuisset opinionem de non existente DEO, quam de existente. Certe multo verisimilius nos credimus, sceleratos homines, male sibi a DEO metuentes, nec quidquam in futurum sibi ab eo expectantes boni, pacandæ mentis suæ causa DEI fidem, quæ metum illum incusserat, ceu hostem nimis invisum, a se excussisse. Sed denique veram originem omnis communis sensus naturæ jam demonstravi supra §. 34: quam demonstrationem valere ex æquo de isto communi sensu naturæ, & ex eodem orto consensu hominum de existentia DEI, id ipsam evidenter probat, quod eandem DEI existentiam Philosophi non nisi evolutis con-

fufis fensus naturæ notionibus denique demonftrare dicere.

**** Ajunt 2.)** fensum communem de DEO & ceteris religionis principiis non nifi ex ignorantia natum fuiffe, qua rudes homines cauffarum ignari, ex quibus mirabilia paffim effecta naturæ nalcerentur, DEUM, ceu quemdam auctorem illarum univerfalem, effinxerint. *Sed recte illos profecto ex illis DEI existentiam, ceu auctoris omnium, intuliffe, démonftratio metaphyfica abunde evincit, qua cum omni rigore a posteriori eandem oftendi veritatem ad evidentiam ufque conftat.* Hoc ergo ex fonte allegato fi revera natus communis ille de DEO fensus fuerit; ex illa confufa quidem *entis mutabilis & entis ab alio* idea reipfa natus eft; quæ fi diftincte evolvatur, cum existentia *DEI*, feu *entis a fe*, illius existentiam connecti, mox evidenter quoque intelligitur; atque adeo evidens efle incipit, veritatem illi fenfui naturæ communi omnium hominum fubefle.

***** Volunt 3.)** a fummis Principibus & primis legislatoribus fparfum, ac ftudiofe nutritum in vulgo rudiore communem illum de DEO & tota religione fensum fuiffe; eoquod regimen illi fuum & legislationem ex eo mirifice firmari in fubjectis fibi populis facile perfpicere

spicerent. *Sed* quod legislatores omnes & summi Magi-
 stratus auctoritate sua suffulcierint hunc communem
 consensum hominum de existentia DEI, ceu bene re-
 gendis populis necessarium, nemo negaverit. Sed
 utrum illius auctores primi fuerint, ita, ut contra ipsi
 judicantes, falsum persuadere subditis rudibus privati
 præcise emolumenti causa intenderint, & eo ipso per-
 suaserint, factum quoddam est omnimodis improbabili-
 le, & inverisimile. Nisi enim proprius naturæ sensus
 id alioquin dictasset; profecto paucissimis hoc dogma
 persuasum fuisset; sed multo potentius motivum abster-
 rens fuisset spes jugi humani simul ac divini excutien-
 di, si nullo alio criterio dogmatis prædicti veritas
 fuisset hominibus, libertatis suæ plus nimio amanti-
 bus, persuasa. Certe omni historia teste, legislatores
 universi non legibus suis religionis dogmata primum cre-
 enda sanxere; sed a religione, quæ pridem in quavis
 gente vigeat, auctoritatem & pondus justis suis legi-
 bus adscivere, has etiam subinde divinitus se acce-
 pisse fingentes. *Denique* doctoribus falsitas istius ar-
 gutiæ exinde perspectissima est; quod omnia dogmata
 religionis & morum, quæ sensus naturæ communiter
 hominum vulgo persuasit, in hodierna luce Philoso-
 phiæ



phiæ etiam ad veram evidentiam usque demonstrari perspectum habeant.

50.

Synopsis Demonstrationis. 1.) Sensus naturæ est criterium veritatis (seu modus eam cognoscendi) peculiare (§. I. 31. 32.). 2.) Differt a demonstratione, quod per conceptus confusos intueatur veritatem clare quidem, sed non distincte, atque idcirco nec rapiat intellectum ad assensum (§. II.). 3.) In complicatioribus veritatibus cognoscendis erroris obnoxius est (36.); sed tunc nimia sua obscuritate consensum communem hominum non parit (37.). 4.) In simplicioribus autem veritatibus, & ad prima principia propius accedentibus clarior est, atque faciliior; atque idcirco communem consensum vulgo parit (39.); etsi non semper generalem (40.). 5.) Hic ipse consensus, seu effectus, de existentia sensus naturæ similis etiam in iis nos certos reddit, seu de sua causa, qui, pauci respective, a ceteris pæne omnibus dissentiunt (40.). 6.) Perro consensus iste communis reipsa in movendo intellectu ad assensum vi homogenea cum auctoritate & testimonio authentico pollet (41.). 7.) Ut autem quantitas istarum virium movendi intellectum ponderetur, atque intelligatur, esse sufficiens ad veram certitudinem pariendam; probe distinguenda est *certitudo*, seu intuitus mere clarus, ab *evidentiâ*, seu intuitu distincto, rationis sufficientis veritatum (43. 44. n. 4.). 7.) Exponitur itaque distincte tota ratio *certitudinis physicæ*, quæ vulgo secundum omnes oritur ex uniformi experien-

perientia sensuum de similibus consequentibus
eventis naturæ ex antecedentibus iisdem adjunctis
naturalibus (45.). 8.) Ostenditur deinde, æquale
ex integro pondus communi hominum consensui,
ex ipso naturæ sensu exorto circa simplicissimas ve-
ritates, quæ maximi momenti sunt, convenire ad
movendum intellectum ad assensum cum pari pror-
sus certitudine & firmitate (46. 47.); imo etiam
cum certitudine physica testimonii præsentis sen-
suum externorum (48.). 9.) Denique ostenditur
existere talem communem consensum hominum,
ex ipso naturæ sensu ortum, de existentia DEI
(49.), eumque parere similem absolutam certitudi-
nem (50.).



